



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

Item de Curia Pasching.

**urn:nbn:de:hbz:466:1-13591**

## De Muta &amp; Theolon. in Austria.

**R**idericus Dei gratia Dux Austriae & Styriae, & Dominus Carn. omnibus hanc litteram inspecturis in perpetuum. Cum Ecclesia in Osterhouen à bonæ memoriæ Duce Leupoldo, atauo nostro occasione quondam obsidionis Castri in Ortenburch læsa fuerit plurimum & grauata in recompensationem ejusdem damni ejusdem Ecclesiæ felicis recordationis progenitoris nostri pia deuotione duxerunt indulgendum vt omnia victualia sua vbique apud thelonca siue mutas suas absque vestigali & eo quod *Saruari* vulgariter appellatur gaudere debeant, libero transitu & securo. Nos eorundem prædecessorum nostrorum inherere vestigiis cupientes id ipsum jus pro Deo omnipotentis reuerentia memoratæ Ecclesiæ duximus concedendum. Vt autem hæc concessionis nostræ gratia debeat inuiolabiliter obseruari, præsens scriptum sigilli nostri caractere roboratum sepefatæ Ecclesiæ mandauimus assignari. Datum in Chrems per manus magistri *Vlrici de Chirnperch* Prothonotarij, Anno Domini M. CC. XLI. VII. Idus Martij, XIV. Indict.

## De domo in Patavia.

**R**idigerus Dei gratia Pataviensis Episcopus in perpetuum. Ne rebus gestis procedente tempore periculosa obliuione valeat derogari, ea quæ aguntur solent commendari, scripti memoriæ ad cautelam. Hinc est quod notum esse cupimus, tam præsentibus quàm futuris, quod cum *Otto* dictus *Chlosner* fidelis noster ciuis Patau. Ecclesiæ & Conuentui in Osterhouen pro remedio animæ suæ & *Irmgardis* vxoris suæ & progenitorum eorundem, & vt ipsorum anniuersarius in festo *Oswaldi*, annis singulis celebretur in præsentia nostra & ciuium nostrorum domum suam in qua *Sifridus* de Osterhouen habitauit hætenus tradidisset, pariter & donasset perpetuo possidendam. Petiuit autem à nobis idem Conuentus & dictus *Otto* vt dictam domum præfatæ collationem nostris dignaremur litteris confirmare. Nos ergo iustis eorum petitionibus satisfacere cupientes, auctoritate nostra donationem eandem duximus confirmare: vt autem dictæ donationis confirmationi nequeat per alicuius friuolam malitiam in posterum obuiari, præsentem paginam cum sigilli nostri appensione & testium subscriptione fecimus communiri. Testes autem hi: *Engelschalcus*, *Chunn*, *Setzer*, *Metfridus*, *Chunn*, filius *Perhardi Doringus Sartor*, *Sifridus* de Osterhouen, & *Leupoldus* filius eius, *Purchkardus Ekkericus* & alij quam plures. Dat. Patau. anno Domini M. CC. XLI. XII. Kln. April. Indictione XIV.

## Item de Curia Pasching.

**O**mnia quæ aguntur in tempore ne labantur cum tempore scripturarum serie solent perennari. Hinc est quod nos *Heinricus* dictus de Osterhouen Prepositus, & ipsius loci Capitulum, posteritati nostræ præsentis scripto mandare curamus, quod querimonia inter nos & ministeriales dictos de *Steinberck*, *Albertum* videlicet & *Perchtoldum*, *Wernhardum* & *Chunnradum*, & ipsorum Patrem, *Perchtoldum* piæ memoriæ à multis retroactis temporibus semper interminata, permansit. Tandem verò dicta causa à venerabilibus de superiori *Altach* & de *Wimberg* Abbatibus vtriusque partis arbitris taliter diffinita est, vt nos jam dictis militibus de *Steinberck* X. lib. Ratisp. probatæ monetæ persolueremus, & ipsi sæpediti ministeriales intuitu Dei & pro remedio patris ipsorum prædium in *Paschingen* Ecclesiæ nostræ quiete possidendum contradherent. Vt autem ista quæ prælibata sunt firma & rata permaneant. Nos de *Steinberch* fratres, *Albertus*,

*Perchtoldus, Wernhardus & Chunradus* confitemur nos abnegasse omne jus proprietatis in prædicto prædio *Pasching* coram venerabilibus de *superiori Altach, Vrico de Wimberg* Abbatibus in Cœnobio *Wimberg* assistantibus Priore *Heinrico* & superiore *Rudolfo*, & aliis ipsius loci fratribus. In testimonium verò supradictæ firmitatis præsentem schedulam prædictorum Abbatum fecimus sigillo muniri. Huius rei Testes sunt *Ludovicus* miles de *Eroltesueld*, *Heinr* de *Tischeldorf* & frater suus, *Rupertus, Chunr.* dictus *Patruus, Rugerus Preco, Rugerus Faber*, & alij quam plures. Acta sunt hæc anno gratiæ M. CC. XLIII, Indictione secunda.

Ne aliquis nos conueniat in Iudicio prouinciali, sed  
in Camera Ducis.

**O**tto Dei gratia Palatinus Comes *Reni*, Dux *Bavvaria* omnibus præsens scriptum intuentibus iudicibus ac officialibus suis gratiam suam. Noueritis nos propter petitionem venerabilis Præpositi & Collegij sui *Osterhouen*, ob reuerentiam diuine remunerationis, principaliter Ecclesiam ipsorum talem gratiam fecisse, videlicet vt nullus vestrum de possessionib<sup>9</sup> ipsorum quasi decem aut XX. annis vel amplius iniqua duxerunt possessione iudicium faciat alicui querelanti. Personaliter namque de ipsis ac eis actinentibus iustitia vniuersis proponimus facere complementum. Ne igitur aliquis vestrum eidem gratiæ audeat in contrarium venire, præsentem chartam ipsis dedimus in testimonium sigilli nostri vigore communitam. Acta sunt hæc Anno Domini M. CC. XLV. XII. Kln. Iun. Indictione tertia.

De Muta & Theolon per totam terram *Bauaria*.

**N**os Otto Dei gratia Comes Palatinus *Reni* Dux *Bavvaria*, vniuersis presenti scripto declaramus, quod dilectis venerabilibus Præposito & Capitulo de *Osterhouen* gratiam fecimus specialem. Videlicet vt in mutis nostris vel Theloneis ammodo nulla thelonea soluant, & illa la ipsis actinentia & maxima vinum de *Austria* ipsis transportandum in aquis & in terris sine exactione emolumento traduci permittantur. Ne autem aliquis præsumptuosus eandem gratiam ipsis liberè concessam audeat violare, sub obtentu gratiæ nostræ inhibemus, præsens scriptum sigillo nostro munitum eisdem assignantes. Acta sunt hæc Anno Domini M. CC. XLVI. VI. Kln. Iulij, indictione quarta.

De duabus Hubis.

**I**n nomine Domini Amen. *Heinticus* Dei gratia *Babenberg*, Episcopus. Vniuersis præsentibus literas inspecturis in perpetuum. Quoniam labilis est memoria hominum gestæ rei, notitiam scripture testimonio duximus commendandam, ne in recidiuæ contentionis scrupulum relabantur. Nouerit igitur tam præsentium ætas, quàm futurorum posteritas, quod prædecessor noster Venerabilis Episcopus *Ekbertus* bonæ memoriæ mansum nostrum in *Osterhouen*, quondam fratris *Wipotonis* hereditarium, quem Magister *Petrus Valkenarius* post eundem tenuit, Præposito & Conuentui in *Osterhouen* pro seruitus & donis, quæ ab eis receperat, contulit eo iure, vt censum, statutu & seruitia debita sicut & ceteri domesticici, de ipso persoluerere debeant annuatim. Unde considerantes gratæ obsequia & deuotionem quæ dictus Præpositus & Conuentus prædecessoribus nostris & nobis exhibuerant, & in antea poterunt exhibere, gratiam eis factam in eodem manso, auctoritate præsentium & sigilli nostri munimine, cum subscriptione